

# Hahne

E jong verhięřořt Ehepaar  
koęm an ene Sonndaachnommedaach  
su tösche zwei on halęve drej  
ens an en Hondefarm vrbej.

On op die jruęße We <sup>1</sup> rengsöm  
leef janž völl Hondevolęk ęřömm.  
Dauch wäje ene Maschedrořt  
konnt kee van all die Dięre fott.

Die Frau bleff stönn; dänn se bemerk:  
dę wor ene schärpe Hahn am Werk.  
Dä soęß janž monkte <sup>2</sup> op e Hohn,  
wie Hahne dat jewöhnlich donn.

Se frooch dä Buur, dä jrad dę steet,  
wie döck ene Hahn ęsu-jet deet.  
»Am Daach su drözzehn, vięzehn Mołl.«  
Dat Fräusche drop: »Dat eß ję döll!«

Bejeestert kreesch sisch dann die Frau  
a Laachens höre Mann bejm Mau <sup>3</sup>  
on fröçhdene em janž verlääje:  
»Saach, häbte dat jrad metjekreeje?«

Dä Mann wor mä nervöös am wippe  
on konnt die Fröçch sisch net verkniepe <sup>4</sup>:  
»Wie soll me dat genau verstönn?  
On emme met dat säļeve Hohn?«

Dä Buur wor sisch am amüsiere,  
fü wat die Zwei sisch inträssiere,  
on saat: »Ühr haad misch falsch verstange.  
Nee - dat eß jedesmołl e ange!«

Dę steeß dä jonge Ehemann  
see Fräusche nävve sisch kott aan  
on saat, net schüsçtere däs wäje:  
»Saach, häbte dat jrad metjekreeje?«

---

<sup>1</sup> Wiese <sup>2</sup> munter, lebhaft <sup>3</sup> Ärmel <sup>4</sup> verkneifen